

Nei niemer weiss
Nei niemer weiss
La se, la se la gah
E la se, la se la gah
La se la gah

Ah, du bisch mis Chanson, mi Song. Sohn i ha di gmacht
Gang use i d'Wäut u mach was i nid ha gschafft
Wüu i gib dr aues mit won i cha finge i mir
Wüu i wott dass si di spiele, doch nid spiele mit dir
Wüu ds wär nid ächt, dass isch Ärnscht
Bewises aune, du darfsch ke Rücksicht näh
U när säg, was aui dänke aber niemer erklärt
Lug die Wäut schteit dir offe
U i ha Freud wenn d'Lüüt mir säge du heigsch se troffe
Oder si hei vo dir ghört, i weiss dass du mir nid ghörsch
Gliich ärgerets mi, wenn über di gredt wird, abers nid nach dir tönt
We du no so blöd tuesch, u se nid mau meh schtört
Wöu du zeigsch ihne d'Hässlechkheit u sie finges schön

Nei niemer weiss, was sine Chind wird gscheh
Egau nach was es wird töne, i wird mi versöhne
Weiss nid was vor dir ligt doch weiss wär hinger dir schteit
Drum erwarti nid z'viu
Drum erwarti nid z'viu
Drum erwarti nid z'viu
La se la se la gah, vo mine Lieder
I la se la se la gah, drum erwarti nid z'viu
Ouh, i la se la se la gah

I ha der aues gäh, drum lani di la gah
U egau was sie ablöh, ja no ablas mini Sprach

Melodiecherom, ä schöni Melodie cha mängi Meinig umchehre, abr nümme belehre
Derbi bisch doch ehrlech, eigentlech e Perle i dem Meer vouer Muschle
Du weisch was i gseh i dir
U dass du d'Fackle vor Wahrheit treisch
Doch sit däm bisch usecho, isch ds aues ids Wasser gheit
Derbi hättst du söue aus verbrönne wos het gäh
Doch nur wüud uf d'Wäut chunsch, chunt no niemer uf d'Wäut
Wod vorem Bundesrat bisch gschtange hei sie aui nur klatschet
Händ gschüttlet u glachet, gseit: "Machet so wiiter, lueged da heit dir e Ba
tze"
Kes Wunder klimprisch itz Tön so wie dis Münz i dim Sack
U sie singe mit dir, aber sie chöi di nid verstah
U ds isch werum, i di fasch nümme erkenne wed zur Türe ih chunsch

Nei niemer weiss, was sine Chind wird gscheh
Egau nach was es wird töne, i wird mi versöhne
Weiss nid was vor dir ligt doch weiss wär hinger dir schteit
Drum erwarti nid z'viu
Drum erwarti nid z'viu
Drum erwarti nid z'viu
La se la se la gah, vo mine Lieder
I la se la se la gah, drum erwarti nid z'viu
Ey, i la se la se la gah
Drum erwarti nid z'viu

La se la se la gah, vo mine Lieder
I la se la se la gah, drum erwarti nid z'viu
Ey, i la se la se la gah